

requiem, sed ad laborem te suscepisse cognosce. Adhortationis ope fidelium corda corrobora, in fidelium vero summo opere converte. Quod ut facilius assequi merearis, praedicationem tuam vita commendet; ipsa eis instructio, ipsa magistra sit; ad desiderium aeternae vitae, docente, suspirant, tuo viventes exemplo, et perveniant; temporalia despiciant, et, quae transitoria sunt contemnentes, ad ea, quae semper durant, quae nullo fine clauduntur, desideria anhelent. In his igitur studium adhibe, in his tota mentis intentione persiste, quatenus, dum tua praedicatione atque imitatione haec fuerint consecuti, tanto maiora a Deo nostro recipias, quanto congrua sollicitudine lucrandis ei animabus officii tui exercere operam minime destitisti. Pallium praeterea juxta antiquam consuetudinem fraternitati tuae dedimus, quo ita uti memineris, sicuti praedecessores nostri tuis praedecessoribus concessere, privilegiorum suorum scilicet integritate servata. Fidem autem fraternitati tuae, quamvis in epistola tua, quam direxisti, subtiliter debuisses exponere, verumtamen laetamur in Domino, quia eam rectam esse ex solempni symboli confessione didicimus (1). Oramus autem omnipotentem Do-

(1) *In altra copia del Codice Trevisano, c. 17 v. si legge la seguente variante inserita nel testo: Praeterea pervenit ad nos, quod sacri ordines in illis partibus cum datione commodi conferantur. Quod si ita est, flens dico, gemens denuncio, quia, cum sacerdotalis ordo intus cecidit, foris quoque diu stare non poterit. Scimus quippe evangelium, quod redemptor noster per semet ipsum fecerit, quia ingressus templum cathedras vendentium columbas evertit. Columbas enim vendere est de Sancto Spiritu, quem Deus omnipotens consubstantiali sibi per impositionem \* \* \* hominibus tribuit commodum temporale percipere, ex quo praedixit, iam malo imbuatur, qui subsequitur, quia, qui in templo Dei columbas vendere presumpserunt, eorum, Deo iudice, cathedrae ceciderunt. Qui videlicet in seditis cum augmento praeparatur, nam in ipsa proventus sui radice viciatur, paratus est aliis venundare quod emit. Et ubi est quod scriptum est: «gratis accepistis, gratis date», et cum primam sanctam ecclesiam symoniaca haeresis sit adhorta, cur non perpenditis, cur non videtis, quoniam, cum quisquam cum praecio ordinat, provehendo ait ut hereticus fiat. Pro qua re admoneo atque obtestor, ut omnino debeas esse sollicitus, ut nihil sibi commodi datio, nil gratia, nil quarumlibet supplicatio personarum in sacris ordinibus vin-*